

Körfubílar hátt uppi í tuttugu ár

Körfubílar ehf. fagna 20 ára afmæli um þessar mundir. Einkennismerki fyrirtækisins er blár fill sem fyrir tilviljun varð eitt aðaleinkenni þess. Harry Þór Hólmgeirsson eigandi segir körfubíla fljótlega og ódýra leið til að lyfta sér upp.

Harry Þór Hólmgeirsson og Ólöf Jónsdóttir stofnuðu fyrirtækið Körfubíla ehf. árið 1992. Þau hafa sniðið sér stakk eftir vexti og siglt í gegnum alls kyns tímabil en ávallt staðið sína plikt. „Við höfum lagt metnað í að veita faglega, góða og ódýra þjónustu. Stundvísi og snyrtimennska er mikilvægur þáttur starfseminnar auk þessa að gæta fyllsta öryggis,“ segir Harry Þór.

Vinum öll verk

Körfubílar eru með fjóra bíla af mismunandi stærðum. Sá stærsti og nýjasti nær 35 metra upp og 27 metra til hliðar. Fjórir starfsmenn starfa hjá fyrirtækinu með mikla reynslu af vinnu við körfubíla. „Við þjónustum mikið af iðnaðarmönnum; smiði, málarameistara, rafvirkja og fleiri. Hvað varðar einstaklinga þá þjónustum við þá að sjálfsögðu og erum með iðnaðarmenn á okkar snærum ef þörf er á. Ef það þarf að hreinsa rennur, þvo glugga, ná í kisu, komast inn um glugga eða setja upp jólaljós þá gerum við það fyrir“

ið verðlaunað fyrir framúrskarandi öryggisvitund og gott verklag og útnefnt birgjar ársins. Við sjáum um allt viðhald á mannvirkjum hjá þeim, oft við erfiðar aðstæður.

Strangar öryggiskröfur

„Við höfum ávallt gætt fyllsta öryggis, notum fallvarnir og vinnum eftir stífu öryggiskerfi. Bílarnir eru reglulega skoðaðir og við sjáum til þess að þeim sé vel við haldið.“

Gott orðspor

Spurður um galdurinn við að reka fyrirtæki í tuttugu ár á farsælan hátt segir Harry margt koma til. „Það er mikil samkeppni á þessum markaði svo eitthvað erum við að gera rétt.“

Harry og Ólöf tóku ákvörðun fyrir mörgum árum um að hafa reksturinn lítinn. „Ég hitti eitt sinn gamlan vörubílstjóra sem átti eina gröfu og einn vörubíl. Aðrir í kringum hann eignuðust fullt af tækjum sem síðar hurfu á braut og þeir urðu eignalausir. Hann átti hins vegar áfram allt sitt.“

Mottóið hefur verið að eiga allt og sáralítið lánsfé hefur því komið til. Við höfum rekið fyrirtækið frá eldhúsbörðinu og séð fram fyrir okkur,“ segir Harry stoltur af árangrinum.



Körfubílar ehf.

Verðlaun frá álverinu

Körfubílar hafa frá upphafi þjónustað álverið í Straumsvík. Þar eru alla jafna gerðar strangari kröfur um fagmennsku og öryggi en annars staðar.

„Það er gaman að segja frá því að í júlí síðastliðnum var fyrirtæk-



Fjórir starfsmenn starfa hjá Körfubílum, allir með mikla reynslu af vinnu við körfubíla.

MYND/STEFAN

Blái fillinn

Einkennismerki körfubíla fyrirtækisins af bláa fílnum er vel þekkt. Það var þó fyrir tilviljun að hann varð að merki fyrirtækisins. „Fíllinn var bara á fyrsta bílnum sem ég keypti frá Svíþjóð. Svo fór fólk að hringja í okkur og spurði hvort þetta væri ekki fíllinn. Ég hringdi til Svíþjóðar og fékk leyfi til að nota merkið á körfubílana hjá okkur. Þetta var fyrir tuttugu árum og enn eru bílarnir merktir bláa fílnum.“

Umboð og varahlutir

„Körfubílar selja líka nýjar og notaðar lyftur og körfubíla sem við úttegum erlendis frá allt eftir óskum viðskiptamanna.“ Einnig flytja Körfubílar inn varahluti í allar gerðir vinnulyftna og körfubíla með skömmum fyrirvara.

Erum ódýrastir

„Margir halda að það sé ódýrara að leigja lyftur þegar vinna þarf verk hátt uppi. En þá þarf bíl sem kemur með lyftuna og svo þarf

að stilla henni upp og sækja að lokum. Þegar upp er staðið þá er ódýrara að hringja í okkur. Við mætum á staðinn, lyftum þér upp og svo erum við farnir þegar verkinu er lokið.“

Aðspurður hvort halda eigi upp á afmæli Körfubíla segir Harry að starfsmenn muni lyfta sér upp þegar sumarfríum er lokið „En ef einhver þarf að lyfta sér upp þá er um að gera að hafa samband við Körfubíla.“ Sjá nánar allar upplýsingar á www.korfubilar.is.



Kraninn sem notaður verður við byggingu kjarnorkuversins í Bandaríkjunum er 175 metra há.

Reisa stærsta krana heims við kjarnorkuver

Einhver stærsti byggingakrani heimsins hefur verið reistur í Georgíu í Bandaríkjunum vegna umfangsmikilla framkvæmda næstu árin. Þar stendur til að bæta tveimur kjarnakljúfum við Voktle-kjarnorkuverið skammt frá borginni Waynesboro í Burkesýslu í miðhluta ríkisins. Kraninn er engin smásmíði. Hann er um 175 metra há og getur lyft sem nemur þyngd fimm Boeing 747 þotna um 400 metra vegalengd. Helstu hlutir sem kraninn þarf að flytja eru byrjaðir að berast á vinnusvæðið, svo sem túrbínur sem smíðaðar voru í Suður-Kóreu.

Framkvæmdir við stækkunina hefjast síðar á þessu ári og á að vera lokið árið 2017, þegar síðari kjarnakljúfurinn verður ræstur. Framkvæmdin er umdeild eins og alla jafna þegar kjarnorkuver eru annars vegar. Hið jákvæðasta við málið er að mati stjórnmalámannna í Georgíu að um það bil 5.000 manns verða að störfum þegar umsvif við stækkunina verða sem mest.

Voktle-verið þarf að bæta við 800 starfsmönnum þegar allt verður komið í fullan gang. Þetta eru fyrstu stórfamkvæmdir við kjarnorkuver í Bandaríkjunum í þrjá áratugi.

Eins og ormur á öngli

Himinháir byggingakranar krefjast nákvæmnisvinnu við margra tonna hættulegt járnþúsluspil. Lofthreaddir munu seint leggja starfið fyrir sig.

Ég hef aldrei fundið fyrir loft-hræðslu í krana en þegar ég byrjaði í starfinu kom mér á óvart hvað kranar svigna mikið til og frá. Krani er nefnilega áþekkur veiðistöng þar sem krókurinn virkar eins og öngull og þegar fiskast svignar veiðistöngin og kraninn hagar sér eins og ruggar. Því er maður dálítið eins og ormur á öngli í fyrstu og þarf að læra að stíga ölduna með sem er dálítið óþægilegt þar til það venst,“ segir verktakinn Hallgrímur Steingrímsson, sem vinnur við að reisa byggingakrana.

Starfið útheimtir nákvæmnisvinnu þar sem ekkert má klikka.

„Skaðinn getur orðið mikill ef maður gerir vitleysu. Fallhætta er vitaskuld mikil sem og önnur slyshætta þar sem auðvelt er að klemmast illa eða meidast á þungu járnverkinu, jafnvel við lítið fall.“

Hæsti byggingakrani sem reistur hefur verið héraðs fór yfir 100 metra. Þess má geta til samanburðar að turn Hallgrímskirkju er 74,5 metra há. Turnarnir á Höfðatorgi og Smáratorgi eru yfir 80 metrar að hæð og að sögn Hallgríms rísa byggingakranar alltaf ofar en byggingarnar sjálfar.

„Góðir dagar fela í sér magnað útsýni í veðurblíðu en í frosti og kafaldsbyl veltir maður því stundum fyrir sér hvers vegna



Hallgrímur segir um 95 prósent kranastjórnenda héraðs stýra krönum með fjarstýringu af jörðu niðri og aðeins tvo stýra krönum úr stýrishúsum á toppi krana.

MYND/GVA

maður sé í þessu starfi,“ segir Hallgrímur.

„Strembnasta verkefnið var við turninn á Höfðatorgi þar sem krana var „klifrað upp“. Þá var hann fyrst reistur í hæstu mögulegu frístandandi hæð og svo hækkaður eftir því sem byggingin reis hærra og stífaður af við húsið. Það er talið það hættulegasta í þessum bransa.“

Hæstu kranar heims komast langleiðina til himnaríkis eins og sá sem reis við Burj Dubai, hæstu byggingu heims í 828 metra hæð.

„Í raun eru engin takmörk á hæð

byggingakrana nema vírinn sem verður þá svo langur og þungur að hann skapar ójafnvægi þegar hann er allur úti og inni,“ útskýrir Hallgrímur.

„Byggingakranar eru sannkallað verkfræðiundur auk þess sem þeir eru alls ómissandi á byggingasvæðum. Reyndar svo veigamiklir að vinnan stoppar ef kraninn bílar og varla að menn geti tekið til í kaffiskúrnum á meðan. Þá skilur maður mikilvægi þess að koma krananum sem fyrst í lag á meðan fjöldi fólks stendur verkefnaless á meðan.“

FÓLK

KYNNINGARBLAÐ



SVEITABALL Í TUNGUNUM

Hátiðin Tvær úr Tungunum stendur yfir í dag í Reykholti/Aratungu. Hinir óvenjulegu Aratunguleikar í gröfuleikni verða á sínum stað og bændaglíma Suðurlands. Alvöru sveitaball verður um kvöldið með Geirmundi Valtýssyni en þar koma fram auk hans nokkrir frægir skemmtikraftar.

Upprifjun fyrir SAMRÆMDU PRÓFIN í september í 4., 7. og 10. bekk

NÁMSAÐSTOÐ

Öll skólastig - Réttindakennarar

Nemendajónustan sf www.namsadstod.is s. 557 9233



Innritun og upplýsingar á **dansskoli.is** eða í síma 553 6645

Salsa
Break
Street
Zumba
Hip Hop
Freestyle
Brúðarvals
Barnadansar
Samkvæmisdansar
Sérnámskeið fyrir hópa
Börn – Unglingar – Fullorðnir



Ýmis starfsmanna-, stéttar- og sveitarfélög veita styrki vegna dansnámskeiða.

Danskennarasamband Íslands | Faglærðir danskennarar

DANSSKÓLI
Jóns Péturs og Kóru
Dansfélag Reykjavíkur

Valsheimilið Hlíðarenda | sími 553-6645 | dans@dansskoli.is



TANNHVÍTTUN
Guðný Ævarsdóttir tannfræðingur notar GUM vörurnar með góðum árangri.

HVÍTARI TENNUR

ICECARE KYNNIR Með Gum Original White munnskoli og tannkremi verða tennurnar hvítari. Vörurnar innihalda flúor, veita vörn, hreinsa bletti og óhreinindi og innihalda ekki skaðleg bleikiefni.

Gum Original White munnskoli og tannkrem hreinsa af bletti og óhreinindi, vernda tennurnar og þær má nota að staðaldri. Guðný Ævarsdóttir tannfræðingur hefur notað Gum-vörurnar í mörg ár á tannlæknastofunni Brostu. „Ég get mælt heilshugar með Gum-vörum. Vörulínan er virkilega breið og góð og í henni má fá allt frá tannburstum og Soft Picks-tannstönglum til tannhvíttunarefna. Þeir hjá Gum eru fljótir að tileinka sér nýjungar og þeir fylgja þörfum fólks sem er virkilega gott í þessum geira,“ segir Guðný.



GÓÐ HREINSUN

Gum Original White-tannhvíttunarvörurnar hreinsa af bletti og óhreinindi og tennurnar fá sinn upprunalega lit en vörurnar innihalda flúor. Þær skaða ekki almenna tannheilsu og þær innihalda ekki bleikiefni sem geta skaðað náttúrulega vörn tannanna. „Hvíttunarlínan, Original White, er mjög góð því hún virkar vel en veitir samt sem áður ekki tannkul og slípmassinn er agnarsmár svo hann rispar ekki upp glerunginn eins og oft vill verða þegar notuð eru hvíttunartannkrem. Guðný

nefnir einnig að Original White-línan viðheldur árangri eftir lýsingarmeðferð á tannlæknastofu. „Soft Picks-tannstönglarnir eru mitt uppáhald því þeir komast vel á milli tannanna, þeir innihalda engan vír og eru ríkir af flúori. Frábærir einnota tannstönglar sem virka eins og millitannburstar en þá er hægt að hafa í veskinu eða heima fyrir framan sjónvarpið,“ segir Guðný.

Hvíttunarvörurnar innihalda sérstaka blöndu sem er varin einkaleyfi en hún hreinsar betur en bleikiefni. Vörurnar fást í flestum apótekum, Hagkaup og Fjarðarkaup og á Femin.is.

FALLEGT BROS

Guðný mælir með tannvörum frá Gum og uppáhaldið hennar er Soft Picks-millitannburstarnir. Tannhvíttunarvörurnar gefa tönnunum sinn upprunalega lit og veita þeim vernd. MYND/GVA

FRÉTTIR VÍÐSKIPTI SPORT UMR/EDAN ÚTVARP LÍFIÐ SJÓNVARP

UMDEILDIR PISTLAR

vísir
- oft á dag

VIETNAM MARKET
ALLT FYRIR
AUSTURLENSKA MATARGERÐ

699 kr. 320 kr. 550 kr. 387 kr.

Suðurlandsbraut 6, 108 Reykjavík Sími: 534 7268

PHO VIETNAMESE

HOLLT OG GOTT

1.250 kr. 1.350 kr. 1.250 kr.

Ópið: mán - föst Kl. 11 - 21
lau - sun Kl. 12 - 21

PHO vietnamskur veitingastaður Ármúla 21 - 108 Reykjavík - Sími: 588 6868



Útleiga kрана og steypumóta er stór hluti starfsemi Arma ehf. Alfreð Karl Alfreðsson er sölustjóri hjá Örmum ehf.

MYND/GVA

Kranar fyrir öll verkefni

Útleiga kрана og steypumóta er eitt sérsviða **Arma ehf.** Fyrirtækið er einn umsvifamesti aðilinn á markaðnum í dag.

Fyrirtækið Armar ehf. var stofnað árið 1999 og sinnir fjölbreyttri starfssemi. Armar leigja meðal annars út vinnulyftur í öllum stærðum og jarðvélar og reka umfangsmikla útleigu á krönum og steypumótum. Fyrirtækið býður upp á gott úrval kрана í öllum stærðum og gerðum. Alfreð Karl Alfreðsson sölustjóri segir Arma bjóða að mestu leyti kрана í útleigu frá þýska fyrirtækinu Liebherr. „Við erum að mestu leyti að leigja kрана til ýmissa byggingaverktaka hérlandis. Við sjáum stærstum hluta þeirrar greinar fyrir krönum og höfum gert það undanfarin ár. Af og til eru einstaklingar að leiga kрана af okkur, til dæmis ef þeir eru að byggja sjálfir. Við höfum einnig verið að selja kрана en útleiga þeirra er langstærsti hluti starfsemi okkar.“

Ör vöxtur undanfarin ár

Auk útleigu á krönum og steypumótum leigja Armar líka út vinnulyftur í öllum stærðarflokkum og mikið úrval jarðvéla, til dæmis jarðýtur og gröfur. Armar voru upphaflega til húsa í Suðurhrauni í Hafnarfirði og samantóð vélarkosturinn af einum glussakrana í byrjun. Fyrirtækið stækkaði jafnt og þétt næstu árin samhliða auknum umsvifum. Árið 2001 voru tíu vinnulyftur keyptar og árið 2003 var starfsemi fyrirtækisins flutt í Dalshraun í Hafnarfirði. Árið 2005 var tækjafloki fyrirtækisins kominn í rúmlega 100 vélar. Í dag skiptist

fyrirtækið í þrjár einingar, Armar Vinnulyftur, Armar Jarðvélaeiga og Armar Mót og kranar og er starfsemi fyrirtækjanna á þremur stöðum í Hafnarfirði og Reykjavík.

Leiga kрана að aukast

Miklar sveiflur hafa verið á byggingamarkaði undanfarin tíu ár að sögn Alfreðs. „Það var mikill uppgangur hér á landi eftir árið 2000 eins og allir landsmenn sáu. Eftir hrun varð eðlilega mikið dýfa í útleigu kрана hjá okkur eins og öðrum enda hægðist mjög mikið á öllum byggingaframkvæmdum. Undanfarin eitt til tvö ár höfum við þó séð góða aukningu í útleigu kрана og starfsemin gengur vel núna.“

Armar ehf. er umsvifamesta fyrirtækið á sviði kranaleigu hérlandis. Kranar frá þeim hafa komið að flestum stærri verkefnum hérlandis undanfarin ár, meðal annars við byggingu tónlistarhússins Hörpu. „Nú er til dæmis verið að byggja nýja stúdentagarða í Vatnsmýrinni og þar eru sex kranar, þar af fjórir frá okkur.“ Kranarnir eru leigðir út í mismilangan tíma eftir verkefnum. Stysti leigutíminn er yfirleitt tveir mánuðir en hann getur farið upp í nokkur ár, eins og við byggingu Hörpu. Þótt mest sé að gera í byggingageiranum yfir sumartímamann eru kranarnir í útleigu allt árið. Mörg verkefnanna taka meira en ár í byggingu auk þess sem stærstur hluti kostnaðar útleigunnar snýr að flutningi og

uppsetningu kranans, frekar en að leigunni sjálfri.

Kranarnir eru leigðir út án starfsmanna og er öllum stýrt frá jörðinni með fjarstýringu. „Þeir dagar er nánast liðnir að starfsmenn stýri krönum í mikilli hæð. Nú er þeim flestum stýrt frá jörðinni. Við sjáum síðan um allt viðhald á krönum okkar þannig að viðskiptavinir okkar þurfa ekki að hugsa um það. Maður frá okkur mætir bara á staðinn og klárar málið.“

Steypumót fyrir íslenskar aðstæður

Armar eru líka umboðsaðilar á Íslandi fyrir stærsta steypumótaframleiðanda heims, Peri, sem er af mörgum talinn framleiða bestu steypumótin í heiminum í dag. „Þetta eru úrvals steypumót sem henta vel við íslenskar aðstæður. Þau koma í stöðluðum einingum til okkar og eru leigð út eftir þörfum hvers og eins.“ Það eru að mestu leyti byggingaverktakar sem leigja steypumót en einstaklingar sem eru að byggja sjálfir leigja þau einnig út. Steypumót og kranar eru oft leigð út saman enda eru mótin hálf tonn að þyngd og ekki hægt að hreyfa án þess að nota kрана. Steypumótin eru mismilengi í útleigu enda byggingatími mismilangur. „Tónlistarhúsið Harpa var til dæmis fjögur ár í byggingu en garðveggir í heimahúsum taka kannski fimm daga.“

Nánari upplýsingar um kranaleigu og steypumót Arma ehf. má finna á armar.is.



Fjórir kranar frá Örmum ehf. eru nú í Vatnsmýrinni þar sem nýir stúdentagarðar eru í byggingu.

MYND/PIETUR

Með langa reynslu að baki

Kvarnir ehf. býður upp á fjölbreytta þjónustu. Hjá fyrirtækinu er hægt að leigja eða kaupa meðal annars vinnupalla og kрана. Kvarnir hafa í mörg ár framleitt tröppur, stiga og búkka undir framleiðsluheitinu Brimrás. Þar er lögð áhersla á góða þjónustu.

Kvarnir ehf. er fyrirtæki með margþætta starfsemi en það samanstendur af fyrirtækjunum Brimrás og Pöllum. „Hinar þekktu Brimrásaráltröppur og -stigar hafa verið framleiddar í þrjátíu ár. Þetta er vara sem er framleidd hér á landi en er ætluð frá þýsku fyrirtæki. Við leigjum og seljum steypumót til uppsteypu ásamt undirsláttarefni, leigjum byggingarkrana og allar gerðir vinnupalla. Byggingarkranarnir sem við erum með eru galvaniseraðir og hafa þá kosti að fljótlegt er að fella þá og reisa og færa á milli staða. Það hefur fallið mjög vel í kramið hjá byggingarverktökum því þetta hefur sparað þeim bæði fjármagn og vinnu. Einstaklingar hafa einnig nýtt sér þessa þjónustu,“ segir Ingólfur Örn Steingrímsson, eigandi Kvarna.

Margra ára framleiðsla

Kvarnir hafa eins og áður segir í mörg ár framleitt tröppur, stiga og búkka undir framleiðsluheitinu Brimrás. „Áltröppurnar eru gæðatröppur sem eru þannig unnar að þrepin eru soðin í en ekki hnoðuð eða þrykkt með vélum eins og flestar innfluttar tröppur og stigar eru unnar. Það má einnig geta þess að við höfum möguleika á að sinna hinum ýmsu sérþörfum varðandi

smíði á stigum. Lendi menn síðan í óhöppum með áltröppur frá okkur getum við í flestum tilfellum lagað það sem farið hefur úrskaiðis. Álbúkkarnir frá okkur eru sérlega endingargóðir. Við vitum til þess að búkkar, stigar og tröppur frá fyrstu árum Brimrásar eru enn í notkun.“

Margþætt starfsemi

Starfsvið Kvarna er breitt en fyrirtækið flytur einnig inn sorpkvarnir og sorppressur. „Sorpkvarnirnar eru frá hinu heimsþekktu fyrirtæki In-Sink-Erator en það fyrirtæki var frumkvöðull í framleiðslu á sorpkvörnum. Við flytjum líka inn umbúðapressur fyrir heimili en umbúðapressur minnka umfang þurra sorpsins. Í þessum umbúðapressum er hægt að pressa áldósir, pappír, plast og annað það sem til fellur af umbúðum. Þá má geta þess að við bjóðum upp á leigu á tónleika- og skemmtanasviðum svo það er ljóst að starfsemi fyrirtækisins er fjölpætt,“ segir Ingólfur.

Ingólfur og starfsfólk hans býður upp á að setja upp vörur frá fyrirtækinu og keyra tæki og tól heim til fólks. „Þegar fólk er að fara að byggja hús getum við útvegað flesta hluti til uppsteypunar. Við erum með mót til að slá upp húsið, steypuhluti, vinnupalla og kрана.“



Ingólfur í Kvörnum býður góða og skjóta þjónustu. Hjá honum er hægt að leigja eða kaupa kрана, vinnupalla, mót og margt fleira. MYND/GVA

Fyrirtækið flytur

Ingólfur hefur mikla reynslu á þessum markaði en starfsemi Kvarna hófst árið 1995. Fyrir þann tíma vann hann hjá fyrirtækinu Pöllum frá 1982. „Við erum nýflutt með skrifstofurnar okkar ásamt hjólapallaleigunni, smávörulag-


ernum og alla framleiðsluna í Akralind 8 í Kópavogi. Öll starfsemi þungavöru er flutt í Álfréttu 9 í Hafnarfirði.“

Með þeim elstu í greininni

„Við hjá Kvörnum leggjum áherslu á skjóta og góða þjónustu, fag-

mennsku og heiðarleika. Við erum með þeim elstu í greininni hér á landi og höfum því mikla reynslu að bjóða. Viðskiptavinir okkar geta treyst á úrvals vörur og þjónustu.“

Nánari upplýsingar um fyrirtækið og vörur þess má finna á www.kvarnir.is.



Loftur er lofthræddur krani sem er þekktur úr þáttunum um Bubba.

Lofthræddi Loftur

Loftur er blár krani. Hann er ein af söguhetjunum í barnþættinum Bubbi byggir. Loftur er ekki eins og flestir kranar því hann er lofthræddur. Hann er líka hræddur við margt annað eins og mýs, hávaða og fuglahræðuna Hrapp sem er einnig persóna í þáttunum. Loftur er hikandi og huglaus og vantar alveg það sjálfstraust sem hinar persónur þáttarins eru uppfullar af. Hann er yfirleitt sannfærður um að hann geti ekki hluti en svo kemur í ljós að hann getur alveg gert þá þegar hann er dyggilega hvattur áfram af félögum sínum.

Persónur þáttanna eru ýmist manneskjur, dýr eða vélar. Vélnarar sýna oft af sér barnalega hegðun, eru óþolinmóðar og skilja ekki alltaf afleiðingar gjörða sinna. Bubbi er þá eins og foreldri þeirra og kennir þeim og hjálpar þeim að leysa vandamál sem þær hafa komið sér í.

Í hverjum þætti fást Bubbi og félagar hans við ýmsar viðgerðir og smíðar. Lögð er áhersla á að finna lausnir við vandamálum og er helsti frasi Bubba: „Tekst að laga það?“ og þá svara félagarnir: „Held nú það!“ Nema Loftur, hann segir: „Uh, já, ég held það.“



Það þarf próf á kрана

Magnús Guðmundsson deildarstjóri vinnuvéladeildar Vinnueftirlitsins segir vitundarvakningu hafa orðið á undanförunum árum varðandi réttindi á vinnuvélar og atvinnurekendur meðvitaðri um öryggismál en áður.

Vinnueftirlitið sér um námskeiðshald fyrir þá sem sækjast eftir vinnuvélaréttindum. Málið er þó ekki svo einfalt því vinnuvél er ekki bara vinnuvél.

Frumnámskeið

„Réttindi á vinnuvélar skiptast í tvo flokka. Annars vegar er það frumnámskeið og svo grunnnámskeið. Frumnámskeiðin eru haldin af Vinnueftirlitinum en grunnnámskeiðin af öðrum skólum. Frumnámskeiðin veita mönnum réttindi til að taka próf á ýmsar vinnuvélar; dráttarvélar, lyftara upp að tíu tonnum, malbikunarvélar, valtara og kрана og körfubíla með allt að 18 tonna lyftigetum ásamt fleiri vinnuvélum.“ Þegar búið er að sækja námskeið hjá Vinnueftirlitinum fer fólk í þjálfun á vinnustað undir leiðsögn kennara. Þegar henni er lokið er kallaður til prófdómari frá Vinnueftirlitinum og verklegt próf er tekið á vinnuvélinni á vinnustað viðkomandi. Ná hann tilsettum kröfum fær hann réttindi til að stjórna vinnuvél í þeim flokki vinnuvéla sem prófið var tekið á.

Grunnnámskeið

Sé farið beint á grunnnámskeið öðlast menn próftökurétt á allar vélar sem krafist er réttinda á.



Magnús Guðmundsson hjá Vinnueftirlitinum segir atvinnurekendur orðna meðvitaðri um öryggismál en áður. MYND/PJETUR

Byggingarkrananámskeið

Sérnámskeið fyrir byggingarkrana eru haldin á vegum Vinnueftirlitsins. Þau veita aðeins réttindi til að stjórna byggingarkranum.

Aukin vitund og betri tæki

Á árum áður voru vinnuvélaréttindi ekki litin eins alvarlegum augum. „Það er tilfinning mín að

þessi mál séu í góðu horfi og margt hefur lagast á síðustu árum. Ég held það sé aukin vitund atvinnurekenda sem eru orðnir meðvitaðri um öryggismál en áður. Eftirlitið hefur í sjálfu sér ekki breyst mikið. Við förum eftir almennum Evrópureglum um öryggisbúnað og tæki. Tækin eru líka orðin betri og betur búin en áður.